

რეკომენდაცია 1580 (2002)¹

**მდგომარეობა საქართველოში და მისი მნიშვნელობა კავკასიის რეგიონის
სტაბილურობისათვის**

1. ევროპის საბჭოში გაწევრიანება ყველა წევრ ქვეყანას ავალდებულებს გაიზიაროს კოლექტიური პასუხისმგებლობა დემოკრატიის, ადამიანის უფლებათა დაცვისა და სამართლის უზენაესობის მიმართ, რაც გულისხმობს წევრ ქვეყნებს შორის ძალის გამოყენებისგან თავის შეკავებას და უთანხმოების მოგვარებას საერთაშორისო სამართლის შესაბამისად;
2. გაყინული კონფლიქტები კავკასიაში იმ რეგიონების ჩათვლით, სადაც საბრძოლო მოქმედებები შეჩერებულია, კვლავ წარმოადგენს საფრთხეს სტაბილურობისათვის, რადგან ძალადობის განახლება არასოდეს არ გამოირიცხება;
3. ასამბლეა მიიჩნევს, რომ ევროპის საბჭომ უნდა გააძლიეროს მოღვაწეობა კავკასიაში და აქტიურად იმუშაოს ამ ქვეყნებში იმისათვის, რომ დამატებითი ბიძგი მისცეს მშვიდობისა და სტაბილიზაციის პროცესებს რეგიონში.
4. მშვიდობის შენარჩუნებისა და სამართლის დაცვის ძალისხმევა საქართველოსა და რუსეთის ფედერაციის მიერ მათი ტერიტორიების საერთო საზღვრებზე კვლავ უნდა გაგრძელდეს;
5. გაეროს ქარტიის 51-ე მუხლი და გაეროს უშიშროების საბჭოს რეზოლუცია 1269 (1999) საერთაშორისო ტერორიზმზე, ისევე, როგორც გაეროს უშიშროების საბჭოს 2001 წლის 12 სექტემბრის რეზოლუცია 1368 (2001) კრძალავს რუსეთის ფედერაციის ან სხვა რომელიმე ქვეყნის მიერ სამხედრო ძალის გამოყენებას საქართველოს ტერიტორიაზე.
6. ასამბლეა მზადაა ხელი შეუწყოს დიალოგს საქართველოსა და რუსეთის ფედერაციის პარლამენტარებს ამ კონტექსტში.
7. ასამბლეა მიესალმება რუსეთის ფედერალური ასამბლეისა და საქართველოს პარლამენტის დელეგაციების შეთანხმებას ევროპის საბჭოს საპარლამენტო ასამბლეის ადგილზე შემსწავლელი ერთობლივი მისიის გაგზავნასთან დაკავშირებით, რუსული და ქართული მხარეების მონაწილეობით, მოსკოვში, თბილისსა და კონფლიქტის ზონაში, ასამბლეის ბიუროსათვის ანგარიშის წარსადგენად.
8. ასამბლეა მხარს უჭერს ევროპის საბჭოს გენერალური მდივნის განსაკუთრებული წარმომადგენლის გაგზავნას თბილისში, რომელსაც დაევალება ევროპის საბჭოს მიერ საქართველოს ხელისუფლებისათვის გაწეული დახმარების ხელის შეწყობა და სხვა საერთაშორისო ორგანიზაციებთან თანამშრომლობა;
9. ასამბლეა მოუწოდებს საქართველოს ხელისუფლებას:
 - I. იყოს მისი ვალდებულებების ერთგული მის ტერიტორიაზე არსებული კონფლიქტების მხოლოდ მშვიდობიანი გზით მოგვარების საქმეში და არ შეუწყოს ხელი, პირდაპირი თუ არაპირდაპირი გზით, იმ ძალებს, რომლებიც ცდილობენ ამ კონფლიქტების ძალისმიერი გზით გადაწყვეტას;

¹ 2002 წლის 25 სექტემბრის (28-ე სხდომა) დებატები ასამბლეაში (იხ. დოკუმენტი 9564, პოლიტიკური საქმეების კომიტეტის მოხსენება, მომხსენებელი: ქ-ნი ლორჰერი). ტექსტი მიღებულია ასამბლეის მიერ 2002 წლის 25 სექტემბერს (28-ე სხდომა).

- II. მიიღოს გადაწყვეტი ზომები, რათა გამოხატოს მზადყოფნა გააგრძელოს ქვეყანაში დემოკრატიული რეფორმები, განსაკუთრებით, 2002 წლის ივნისის ადგილობრივი არჩევნების ფონზე;
- III. გამოიჩინოს ძალისხმევა მნიშვნელოვანი პროგრესის მისაღწევად საქართველოს ევროპის საბჭოში გაწევრიანების დროს ნაკისრი ვალდებულებების შესრულებისას;
- IV. ითანამშრომლოს ტერორიზმის წინააღმდეგ მებრძოლ ყველა სახელმწიფოსთან და მიიღოს საჭირო ზომები საქართველოს მთელ ტერიტორიაზე, პანკისის ხეობის ჩათვლით, სამართლის უზენაესობის დასაცავად;
- V. მიიღოს პაკური ზომები კორუფციისა და კრიმინალური მოქმედებების აღსაკვეთად;
- VI. უზრუნველყოს საერთაშორისო დახმარების გამჭვირვალობა და ავტონომიურ რეგიონებში ამ დახმარების მნიშვნელოვანი ნაწილის გადაცემა;
- VII. გააძლიეროს დიალოგი რუსეთის ფედერაციასთან, როგორც სამთავრობო, ისე საპარლამენტო დონეზე, რათა მოგვარდეს ის საკითხები, რომლებიც ქმნიან დაძაბულობას ამ ორი ქვეყნის ურთიერთობებში;
10. ასამბლეა მოუწოდებს აფხაზეთისა და სამხრეთ ოსეთის ლიდერებს უარი თქვან მათ მწვავე პოზიციაზე და დაიწყონ სერიოზული მოლაპარაკებები საქართველოს ფარგლებში აფხაზეთისა და სამხრეთ ოსეთის სტატუსის შესახებ;
11. ასამბლეა მოუწოდებს რუსეთის ფედერაციის ხელისუფლებას:
- I. თავი შეიკავოს ყოველგვარი ქმედებებისა და განცხადებებისაგან, რომელნიც შესაძლოა განიხილებოდეს, როგორც საქართველოს შიდა საქმეებში ჩარევა და საქართველოს სუვერენიტეტის დარღვევა, განსაკუთრებით, თავი შეიკავოს სამხედრო ქმედებების დაწყებისაგან საქართველოს ტერიტორიაზე, როგორც ეს განაცხადა რუსეთის ფედერაციის პრეზიდენტმა 2002 წლის 11 სექტემბერს;
- II. თავი შეიკავოს ყოველგვარი ცალმხრივი ქმედებებისაგან, რომელნიც საფრთხეში ჩააგდებენ საქართველოსა და მის მოსახლეობას, განსაკუთრებით, აფხაზეთისა და სამხრეთ ოსეთთან მიმართებაში, საქართველოს ხელისუფლებასთან წინასწარი მოლაპარაკებისა და თანხმობის გარეშე ისეთ სფეროებში, როგორიცაა ეკონომიკური დახმარება და პირებისა და ტვირთის თავისუფალი გადაადგილება, კერძოდ, ვიზების, საბაჟო და საპასპორტო საკითხებთან დაკავშირებით.
- III. გააძლიეროს დიალოგი საქართველოსთან, როგორც სამთავრობო, ისე საპარლამენტო დონეზე, რათა მოგვარდეს ის საკითხები, რომლებიც დღემდე ქმნიან დაძაბულობას ამ ორი ქვეყნის ურთიერთობებში;
- IV. გაიყვანოს სამხედრო ბაზები საქართველოდან რაც შეიძლება სწრაფად საქართველოსთან მიდევნული შეთანხმების შესაბამისად;
12. ასამბლეა რეკომენდაციას აძლევს ევროპის საბჭოს მინისტრთა კომიტეტს:
- I. ხელი შეუწყოს გენერალური მდიანის ყველა ქმედებას უსაფრთხოების საკითხების მოგვარებაში მრავალმხრივ საფუძველზე ევროპის საბჭოს მიზნების შესაბამისად;
- II. ითანამშრომლოს ევროკავშირთან აფხაზეთისა და სამხრეთ ოსეთში გაეროს კონფლიქტების მოგვარების მექანიზმების გათვალისწინებით და იმის მხედველობაში მიღებით, რომ ევროკავშირი ეკონომიკური და ტექნიკური დახმარებით ხელს უწყობს მშვიდობიან პროცესს;
- III. ითანამშრომლოს ეუთოსთან მონიტორინგის სფეროში საქართველოში და უზრუნველყოს ევროპის საბჭოს მონაწილეობა ამ მონიტორინგში;
- IV. გააძლიეროს დახმარების პროგრამები საქართველოში დემოკრატიული რეფორმების განსამტკიცებლად;
- V. დაიწყოს მოლაპარაკება ყველა დაინტერესებულ მხარესთან და ქვეყანასთან რეგიონალური თანამშრომლობის გაფართოების მიზნით.

